





PLEASE DO NOT REMOVE  
CARDS OR SLIPS FROM THIS POCKET

UNIVERSITY OF TORONTO LIBRARY

AC EAST ASIAN LIBRARY  
148 UNIVERSITY OF TORONTO LIBRARY  
P23 130 St. George Street  
1920 8th FLOOR  
TORONTO, CANADA M5S 1A5

gift



Digitized by the Internet Archive  
in 2018 with funding from  
University of Toronto

<https://archive.org/details/songnychip2kwn008800>



哈佛燕京圖書館

HARVARD-YENCHING LIBRARY  
HARVARD UNIVERSITY  
2 DIVINITY AVENUE

NO. 10000 PROPERTY OF  
JUL 30 1969  
HARVARD-YENCHING LIBRARY

附錄  
祭文

松廬集全







松廬集序

哈佛大學哈佛燕京  
圖書館珍藏印

嗚乎此故川城高士松廬達  
卷如美常冲槐潭先生裴  
公報裝湖門主裁一方之時又  
有周就冲儒居仲抄錄而  
槐翁之所甚所編錄也即  
竊愧松廬公之杞宋文對



日之之微孫東進與槐翁孫  
善榮甫進門袖一司印言曰  
吾祖葬不免天戈又不廣咳  
唾教費便是煤薪而收而平  
日探究用工尤在當等二書  
所以族纂要為名以有槐翁  
之四主纂要也方付剞劂而



權斯文相翊已序其孝子六  
母情亦原稿一多第拙尤其  
人宜有以悅迺樂中一而謹  
闕編錄及按去以乞資款悵  
等京風就年十二聖名中品  
孫有隆昇堂乙之意苦誦  
乙人之理曰二人字為人為乙



至仁在天下而得是理为人也及  
冠刑家有法人称以小德中  
成森早忤槐翁有托範於門  
司徒次有溫氣備金多門至  
蒙獎許其後不與編學此書  
小誠乎曰當勉就為問而此  
衰朽經旨罔蒙不細其地為



他之渾字出章又不可以零星  
易之其彝字亦所經之學思  
劣有以是及才而惜乎王益之  
反常而乖理也遠休提翁  
希克遜算以篤實光輝在  
不晚飲其工再休待銘寫之  
以示饒年亦若歿二十載之



淑一門氣教之閩邦乃并施  
其姓予也大凡吾人之爲書  
已也而久遠於傳古立於名  
而不立於壽不壽於其不賢  
不文又焉能有其名故曰有  
德者必有言蓋人之爲而不  
語文也吾希之呻吟於字百



年巾篋之遺今因二友之此  
及勁健將為不朽圖幸其  
亦槐翁所書止有光之久古  
之君子撥人事象以通經  
學古為先後之尚公古者以  
韞櫜不售為以後及古與古  
而等古思久乃書而感于

中以此

上章湛澹清和爲明仕郎

前惠陵系寺真城李中

輟謹書



松廬集目錄

卷之一

詩

西谷青巖亭參講會十二歲時

見孫日戲吟

族兄槐潭先生相說挽

李文有醉狂吟和呈

書

上槐潭先生經義問目

答雙湖琴丈亨之養蒙



答邊龜隱敬言遠振鐸

與李文善甫之元

答金養健

答從兄上舍葛箴公相達

答從兄上舍葛箴公相達

答族弟士彥相彥

答族弟善仲相元

答族弟宅中相洛從弟敬承相啓

答從弟君益相島

答舍弟舜之相堯



答舍弟元七相斗

答族侄士瞻顯斗

答族侄士瞻顯斗

說

安宅說

記

天皇山記

祭文

祭槐潭先生文

小祥時

卷之二



附錄

挽詞

祭文

遺事

行狀

墓碣銘  
并序

墓誌銘  
并序

識

跋

松廬集目錄終



松廬集卷之一

詩

西谷青巖亭參講會十二歲時

巖石平如堂又起亭之堂  
甬筵多弁巾儀表又  
堂堂

見孫日戲吟

翁是昔年兒看兒又生子  
兩老如延歲可抱孫  
之子

族兄槐潭先生相說挽

從古人才間世起吾公  
又是草萊賢存心實學



非資力睥面真工本賦天志願平生三樂詠文  
章死後六圖傳揚家何幸童烏在留待他時繼  
述全

情親兄弟又兼師恩義人間兩不虧積裏珠藏  
堪可惜烏頭力去受誰醫理乖仁壽天難信痛  
切樑摧運所縻耆耇如今哭相謂川城來日撤  
臯比

李文 有醉狂吟和呈

問翁何事醉狂號五十年知四十非若得聖門  
裁制力也消推與浴沂歸



車巖山水最奇勝爲報春宮物色呈人自好高  
翁自貶有名還是欲無名

書

上槐潭先生經義問目

問大學或問小註或問用之微妙是心之用否  
朱子曰理必有用何說心之用乎云云愚意餽  
無情意無計度無造作者理則疑若理不能自  
用而今謂之理必有用者未審何意也且朱子  
曰理雖在物用實在心前後所言似有不同亦  
何義也



答這心之用云者心爲之主也用在心云者理爲之主也理會得理字分明則理之有用可知心之用獨非理之用乎此等處不可容易放過幸須滾究得徹也

蓋經一章節節句句皆於傳文中釋之獨定靜安三字未見分明釋處但止善章章句知其所止而無疑惟此無疑二字恐似貼此三字着來未審如何

答定靜安三字只是知之效既有止至善之傳則定靜安三字亦在其中此言明德新民之



止於至善之小階級而其旨貫通乎八條目之中以無疑二字貼看恐未然

按既曰致知在格物又曰物格而后知至欲見這箇功效必先下那箇工夫耶

答所論若有意義然更加究索實格其物實致其知也

竊惟治平道理要在使衆而其道則只一慈字耳故治平章說得慈處煞有力如引康誥而獨言慈又貪戾恤孤兩節兼言孝悌慈如如保赤子慈之至也恤孤慈之施也是以申言以明之



如貪戾則慈之失其道而必言之者以示爲上者之尤不可不慈耶

答孝悌慈皆所以修身而教於家則重在修身而不在使衆且貪戾慈之反仁讓者又非孝與悌之謂乎

精一執中似屬動處不能致中安能執中盖工夫動靜交養不可偏也堯舜禹授受之際豈獨於動處丁寧乎竊惟前古聖賢皆就動處用功所以制外養中非欠却靜一邊如何

答子思始說出未發之中言之者不爲多而不



爲少也知此則堯舜禹之微旨可見矣

朱夫子釋五常獨於智字未有明釋者何也

答先儒已有此說胡雲峯沈審易皆有訓然亦不能無疑今但因其所已言默會其所未言矣何必別立訓釋予嘗有聞於湖上也

謹按心統性情圖四端理發而氣隨之七情氣發而理乘之蓋其然者氣也所以然者理也人之一身內而具仁義禮智之性外而有耳目四支之形而外物感觸而動則四七皆然然四端之發直自性分中流出故曰理也七情之發但



只形氣所動觸故曰氣也如此看如何

答理氣互發之云且熟翫天理流行之妙人心性情體用之全然後可以默會非謂理發時氣專不動氣發時理固自靜也以有主理主氣之分故耳更究推索幸賜反覆如何

朱子曰未發時看義理不得才知有義理便是已發當此時有義理之源無義理之條理又曰未發時雖無所分別然亦不可不有所分別蓋仁自有一個仁底模樣物事在內義禮智皆然其下卽又曰也要識得底物事如未識得底物



事則所謂虛靜亦是黑底虛靜不是白底虛靜  
未審事物之在內者與無義理條理之說何以  
有別識得事物與看義理不得者亦何以有別  
答 鈹

道中庸及崇禮工夫恐似屬力行底而章句却  
屬致知何也

答 予有所受聞焉此章以存心致知分道體之  
大小則處事與謹節文不得不爲道體之小而  
爲致知之屬也如何

一云陽氣自北而生循環四方一云陽氣自地



下而生升降上下今按一是橫說底一是豎說  
底二說恐似相反而陽氣自北而南者河圖八  
則陽生之說也陽氣自下而升者一陽初生之  
說俱有所據與所從而言歟

答二說俱有所據而陽氣自於北方而生於地  
下是爲最切

氣動則理亦動氣靜則理亦靜理旣爲造化之  
樞紐主宰而又與之動靜者何也

答理氣元不相離氣旣有動靜則理安得不與  
之動靜耶天以陰陽化生萬物而旣生萬物理



亦掛搭於其中古人亦有大根柢小根柢之說  
雖謂之一本萬殊亦無不可理若塊然一物則  
何以爲造化之樞紐主宰是亦得聞於湖上者  
也

答雙湖琴丈亨之養蒙

昨臘蕭寺雪月連宵唱酬開發甚多匪止爲閒  
追逐說話而今又三復珍帖宛對清範於山陰  
昔日也前此批誨如相協昏蔽自多失亾十無  
一二記憶處殊甚惶懍大抵性理一款先儒已  
有定論更無可疑處然妄意以爲事物之理亦



惟吾心之理也而其用無窮如尺與秤相似上有分寸星銖此爲體稱量這物事去此爲用槐翁在世之日已經稟質非無鑄駁策勵之力而今旣云公所得者又隨而俱喪有疑莫叩茲敢稟呈幸更以平日所聞於湖上者垂教也

答邊龜隱警遠

振鐸

吐溪一別迄今懸仰未三日而又曲施惠問不知所以爲謝也仍審體度崇衛曷勝慰浣相協省側姑依耳第念槐翁之學問德行奄棄後生實私門之運厄而亦吾黨之不幸也况相協倣



仰之地八靡考問出靡依將尤何以爲心來示  
欲言而吞聲者實先獲語也喻及孫友辨說恐  
似繳繞牽引而於大體有沒仔細之病幸高明  
更須精覈有得乎第四第五章表裏諸說則孫  
友之說可知有牽強零碎之患矣不揆狂妄率  
爾及之未知如何

與李丈善甫之元

別來慕仰尤勤謹惟炎夏棣體萬衛相協杜門  
養病以藥餌爲日課頌洞無安淨時耳俯借冊  
子姑爲束閣而第待身病少間携一二同志八



蕭寺中欲討個月日而究觀顛末然病情如此  
又昏惰爲習雖欲遂初心似不易耳二子所業  
未知精詳與否而其志亦足嘉尚幸須臾念餘  
五冊倘復不吝見借耶是望

答金

養健

向別迄今耿耿未惟日者研蹟益勝相協窮居  
陸碌無所寄意於斯世而每得賢者左顧開發  
迂滯似有振奮乎高明光大之域則自以爲激  
勵興起庶幾有此生不虛之望左右之恩已足  
深厚而又能時賜警策不匝月而笥束非止爲



寒溫情素而論及於經傳聖賢之訓自顧疎鹵  
何以見拾於清鑑而周章若是也且見解謏劣  
不足相發于格言至論之中而欲只仰謝乎句  
讀同異之末是所謂雜淫哇於鍾鼓之聲自當  
見斥於正歌之筵而終始不棄不以爲辱而勤  
心從事則又此生之一大幸也

別紙

傳十章皆曾子之意而十目一節特加曾子  
曰字者蓋所嘗敬戒之辭而非止所以釋經  
之意耶



看得是

閒居章誠於中形於外一句或以爲兼善惡  
言之或以爲誠者真實無妄不可用下於惡  
一邊云云

昔嘗有此句紛騷者故朱子曰惡之真實無妄  
處謂之兼善惡則似禁止其爭端矣不可以單  
指善立說也

憂患恐懼亦有界分耶

朱子恐懼是目下逼來得緊應使人恐懼失措  
憂患是思慮預防將來有禍福利害自是不同



也

庸學恐懼同耶異耶

大學之恐懼爲病省其心之動也中庸之恐懼  
養其性之靜也雖然無大學之恐懼然後可以  
存中庸之恐懼其所以知中庸之恐懼者乃所  
以省大學之恐懼也

有心無心是兩項病痛耶

只是一病蓋纔於忿懣等上有所偏繫之心則  
自然無心視不見聽不聞食不知味也

誠正兩章章下添八註脚何也



兩章俱不言誠意之在致知正心之在誠意故特言其意以補之序所謂間亦竊附己意者此等處也

七章八章只言其病而不言其治之之術則同矣結語之有正反何也云云

或曰七章則蔡邕古經心不在焉之下有子曰非禮勿視非禮勿聽非禮勿言非禮勿動一條故以是爲正心之功而正結之八章則無此等用功語故反結之此語似然正結反結皆承經文定之不可如是穿鑿看也星湖疾書有是說



既曰誠正而身修則豈復有五僻二偏之失耶

南塘說曰凡人心術之病大槩有三曰惡念浮念偏念誠意則惡念絕矣而未必無浮念故誠意而又須正心正心則浮念絕矣而未必無偏念故正心而又須修身修身則偏念祛矣至此則靜虛而體無不存動直而用無不正以至於聖矣昔司馬公平生無不可對人言之事則意可謂誠矣而困於浮念中夜不寐朱子中歲心豈不正而其論賊吏怒形於色是未免有偏至



於晚年矜持者純熟嚴厲者和平則又沒此痕跡矣誠意而後正心正心而後修身者工夫次等可謂至精而密矣

答從兄上舍葛筏公相達

士彥從還袖致長牋示意勤厚憂病中如得清涼境似聞道中遇李朴兩兄聯筇八忠衙費六七日子好山水好人物想不寂寥也信來久闕謹問旅次啓處連衛南德弘亦如何好主人也常牽戀不已相協宿恙凌兢穌完無期奈何第惟門外便只是頽波而顧吾力不能着脚住耳



此事如不入手孰若安歸之愈也儀禮雖翔直  
今回必須買得非直爲自己分上討究計抑欲  
啓來學於日後爾士彥從卸裝未幾得泄病而  
似兼寒疾年少者小不謹則必致此甚惱悶

答從兄上舍葛筏公相達

離家不日患懷積積豈以夫妻子母之情愛而  
然也第惟門戶低孱子姓愚蠢平居教令雖自  
不篤而每從睽離之日憂慮倍切不能食息暫  
忘于懷則同憂之地豈忍使翫愒漫浪耶謹問  
比辰靜中動引衛重閫庇均迪相協山寺數月



讀了數弓殘編文字義理尚昧昧於胸中些少  
記誦亦敢曰有所得云也但塵忠日消閒致日  
長一箇身心淨然若無纖毫人世氣味未知或  
染入於叅禪家設做出了一團泥塑像耶好笑  
好笑俯詢曾傳奧旨以爲此身靜處或有所心  
解者而遠辱及此然無心看過不容有一分畱  
念而臨時湊合烏可謂萬一當理之言也曾於  
槐翁湖上摳衣之日聯袂周旋不爲不多而終  
不聞一語以質難之今迺就空疎孤陋之人而  
屑屑於此等無乃捨太陽而拾螢燭惡江河而



飲行潦也耶古聖猶有博奕賢乎之訓則此亦  
勝於羣居嘲謔獨處晝寢者之爲耶奚可以無  
益而捨之也

別紙

學問當以收斂涵養爲先而大學直以格致  
爲先

涵養本源小學已至此則實承小學已成之功  
故直以格致爲第一下手處非謂一入大學不  
復有涵養之事也

古之大學所以教人云者指唐虞以上之古



而言歟

古謂三代以下也蓋三代之前教法未備自三代始有教法王宮問巷莫不有學云爾則非涉三代以前明矣

補其闕畧小註以爲補傳之第五章而或疑不必然何也

放失云者謂本有是說而中經放失也闕畧云者本無是說而未免闕畧也本有而放失故采其舊而輔之如補五章正錯簡之類是也本無而闕畧故附己意而補之如誠正二章章下添



註之類是也且自謂竊附己意云云則補亡章何嘗謂己意之竊附耶

明德體用配中之未發已發耶

明德之體卽至善之體而未發之中也明德之用卽至善之用而已發之中也明明德者卽立大本而行達道也

所發之發字指何而言

本體之所發處非只是發見於事物感動之際者如小註所言怵惕羞惡恭敬歎慕等類如性理書所謂或昭著於燕閒靜一之中如孟子言



平旦之氣

或求之文字之中而怡然有得如伊

川所謂讀論語了後其中得一兩句喜者

或索

之講論之際而恍然有悟如夷子聞孟子極論

一本之說遂憮然爲間而受命

凡此恐亦皆是

所發處所發處卽心之覺處故或問直着覺字也

盡天理之極無人欲之私愚嘗疑之己德之

明在我固皆如此民德之新在人安能盡其

如是耶

此盖未察乎文義也盖謂自我新民之道如此



云爾非謂民德之新必皆如此也

事理天理亦有得名之異耶

蓋言事理則天理在其中以人欲對言則謂之天理不言事理而只言天理則恐有虛空恍惚之病不言天理而只言事理則又恐有支離破碎而無復知天人一理之妙故如此言之

知止一節或疑其有格致意思如何

此是晦齋之所嘗言者也中州學者如王魯齋栢董文清槐方正學孝儒皆如此論晦齋却以此一節爲在於物有本末一節之下移作格致



之傳退溪以壞屋化之矣

本末終始本固可先於末而終何以先於始也

此輕重爲言之序也蓋物以本爲重事以終爲重有終然後方成于事無其終則無其事矣以知止能得言之則知止而不能得者或有之能得而不能知止者未之有也此知止爲輕而能得爲重也經文所以終先於始欲使學者臨事見其終之爲重而必先志乎其終也聖人喫緊爲仁之意此其至矣



答族弟士彥相彥

書來識心詎以闊面爲恨耶當趁修一紙以報  
其先問之勤而素性疎懶又苦應酬之太急擾  
閱幾朧朧而始把禿穎甚矣敏鈍之迥殊也夏  
惟此來體韻雅迪案頭家計亦劬心勞力庶見  
行辭并進之地否日夕傾注於左右者此也相  
協向同一二朋友抱書八文殊滾處消念世慮  
潛心簡冊以暇日撥討泉石漸得乎物外意想  
自幸因此棲山之日治心節慾爲桑榆寡過之  
人而旋有世故之掣肘者不久撤還人事正慮



每每如是無乃巨嶽靈真終慳靜地使山外逋  
客不敢煩闌於松桂崖礪也耶呵呵所示中庸  
疑義自來先儒論說在在明辨槐翁當日已且  
纂輯要領使後生末學遠處瞭然不啻如指掌  
之易見而竊念山外有山路外有路左右今日  
之問答或無恠但此中典籍不廣攷據無憑其  
於井見管測何資之有正所謂心勤而事左者  
也幸以所貢臆說反示而駁正之波企波企

別紙

丘未能一者聖人果有未能之道耶



輯畧張子曰所求乎君子之道四是實未能道何嘗有盡聖人人也人則有限是誠不能盡道也

言父子君臣兄弟朋友而不及夫婦何也

前章之末旣言造端夫婦則此雖不言而意已包在這裏

鬼神亦說氣耶

朱子詩曰鬼神卽物以爲名屈則無形伸有形一屈一伸端莫測可窺二五運無停云云或主正文爲德之言而謂之理或主功用造化之說



而謂之氣然以氣爲主而理在其中

鬼神氣也此章亦言道之費隱而乃以氣爲言者何也

道妙無形因氣而形故卽氣之幽顯以明道之費隱蓋曰鬼神之不見不聞卽道之隱也鬼神之體物不遺卽道之費也所謂卽氣以指理者也

誠爲一篇之樞紐而始於此言之何也

前後六章莫非誠之所爲而亦難以逐章言之也鬼神體物不遺則誠之所發見故章內特言



之

中庸之道不外乎五倫而五者皆本於事親  
故從其切近處言之而十六章之言鬼神何  
也

只言事生而未及事亾事鬼則不備故始言事  
生之理并及天地造化之迹且誠之一字爲事  
生事亾事天事人之大要故於此拈出其顯微  
費隱之理而備言之

昭穆祔廟之義何如

呂氏曰父爲昭子爲穆父邇也親者邇則不可



不別也祖爲昭孫亦爲昭祖爲穆孫亦爲穆祖  
尊也尊者遠則不嫌於無別也孫可以爲王父  
尸子不可以爲父尸此昭穆祔廟之別也

反而曰亾焉何義

記曰八門不見上堂又不見入室又不見喪矣  
亾矣蓋死而後亾也

君問稱孔子對曰尊君也而二十章之刪孔  
對二字何也

蓋所重在於明道而不在於問答故也

庸論之說仁智不同何也



若以擇善之知而對論於全體之仁則安仁者  
仁也利仁者知也若以睿智之知而對看於力  
行之仁則安行者知也利行者仁也此庸論仁  
知所以有淺深也中庸所謂知字有深於論語  
知者之知中庸所謂仁者有淺於論語仁者之  
仁而自不無同異也語以擇善之知對言全體  
之仁也庸以力行之仁對他睿智之知也

九經章句云不疑於理不迷於事事與理固  
有分乎

蒙引曰自先用講明而言則謂之理自臨時區



處而言則謂之事

豫則立豫字豈誠底謂乎

不然也呂氏曰寇將至而爲干櫓水將至而爲防隄其爲不怠者幸也故素定者事皆有成言有成說事有成業道有成理行有成德用而有功動而不括

贊化育知化育贊與知字似有分

前一段是裏面說出後一段是從下說上

至誠如神聖人亦要前知否

人心本自虛靈事機之所動宜無不覺而衆人



蔽於私欲失其虛明之本體不能前知唯聖人  
方寸之間天理純而私不容故虛明之體無所  
遮蔽而幾之所動無不先覺聖人所以前知者  
如此豈如後世所謂識緯術數之爲耶

子貢之知執王者之容亦可謂至誠如神乎  
子貢此言正夫子所謂億則屢中者也

道之大者妄言六哉而至於小者亦言大者  
何義歟

威儀三千細分則至小也合看則至大也  
道中庸崇禮是行底事而屬知乎



語類曰夫能擇中庸以守之無使有過不及之  
差謹夫節文繁殺而詳悉無使鉅者只是知之  
事而盡此而後方可以真知故行得到恰好處  
無些過不及乃是知得分明之效謂之致知之  
屬夫何疑哉

論語溫故與此有異

此言存心彼言學習此重在溫故彼重在知新  
此一節以天地人德分看耶

廣平游氏曰尊德性而道問學人德也致廣大  
而盡精微地德也極高明而道中庸天德也此



說失錯不可信也

答族弟善仲相元

栢麓講席數日周旋自不免膠擾煩稠之勞而耳目所及得其前日所未得者克然於心肚之間則亦云幸矣未知左右亦以多少孺染者不至漏忘而持守足以爲他日攷據之證否大抵今之人粗有聞辭不以爲身心上克治之具而翻出說話誇與外人示其見識之濫博負抱之宏贍則要知釣譽之弊何異於壠斷販夫網利之手段耶所藏於中者雖美玉珍寶亦不免眩



市求售之譏况乎以瓦礫之物而倖望其善價  
耶沒世不稱聖人惡之四十無聞曾子言之爲  
善不實名不著焉則因生幸免是可憂也所以  
使後生小子慥慥乎人一己百之功愚而能明  
柔而能剛勉勉循循期底於大人君子之域非  
欲其近名求知之爲而末路滋僞反以聖人訓  
語竊以爲徼利之捷徑則豈不誠薄惡氣習乎  
相協嘗祇畏此心歛約退伏不要見知於隣里  
塊守窮廣兢兢慄慄期欲爲一生寡過之人則  
口欲不出言身若不勝衣氣魄力量低孱淺短



終至於懦夫庸人之下正所謂畏首畏尾者何足與議於有爲之科耶忠欲拯弊而又生一弊始知吾人立心行己之難也左右重訥且剛果有餘必不見惱於二者之病矣須早立本領極力求進毋以小成近功自滿於心則下梢做得豈止爲鄉里善人而已耶吾宗衰替對輒憂歎將來一番振大之望不在徒言在乎後生力學之如何耳明者想已諒及然互勉之地何苦含默不言也所不疑禮不敢自是已見方欲廣詢於知禮大方家以爲日後塞責之計而中庸句



讀隨所聞錄呈亦豈易而言乎望賜斤正耳

別紙

周家禮制周公若不制定則孔子亦以賤而自專避而不敢耶

制定禮度本非聖天子不能孔子豈以一代時王之制而爲出位犯分之事耶新學後生粗有一知半解而遽欲擅立禮制者不可不鑑此章之戒也

世爲天下之世字作何義看

世世世也天下一世也韓南塘曰與百世世字



同若侔世上之世則與天下字相疊

又言仲尼何也

中庸以天與仲尼爲模範故終始言天與仲尼  
敦化川流何以大小也

易繫辭曰彌綸天地之道彌如大德敦化綸如  
小德川流範圍天地之化而不過如大德敦化  
曲成萬物之宜而不遺如小德川流

孔子窮而在下不得行天子議禮制度之事  
則其功不及於大舜文武之道歟

問政前三章引大舜文武周公之事極言聖人



治道之大而以夫子之言終之此前盡性前知  
章極言聖人天道之至而又以夫子之德終之  
蓋聖人之德未有盛於夫子者故到底引夫子  
以明中庸之極功三十章又贊夫子祖述憲章  
之迹可見其述之之功有倍於作者而所以能  
集羣聖之大成也

仁包四德則可矣而知亦包四德耶

章句曰聰明睿智包下文四德而言或者謂智  
居五性之一豈可專一心之用者乎蓋智之爲  
性偏言之則爲知是非之理專言之則爲知覺



之理未發之前知覺不昧而其理則智也已發之際知覺運用而理之乘知覺發見者卽知之用也心之體用不外覺之一字而智是覺之理則智之全一心之德又何疑乎且智之包四德猶仁與信之包四德也五行之中水與木土皆能以一氣包五行故其理之爲性者亦皆以一事包四事也朱子嘗言木爲發生之性而包五行水爲貞靜之體而包五行土爲包育之母而包五行故孔子贊乾之四德而以貞元舉其終始孟子論人之四端不敢以信者列於其間蓋



以爲無適而非此也據此則智之能包一心之德不啻明矣况知覺旣以一言包此體用之全則其所以爲知覺之理者亦必有可以一言名之矣

其淵其天非特如之而已者此章聖人之德有加於前章之德耶

前章以其著於外者言之此章以其存諸內者言之自其外而觀之則聖人與天其事殊矣故但曰如之而已自其內而觀之則聖人與天其道一也故卽曰其淵其天事之殊者聖人作止



語默人而非天矣道之一者聖人作止語默渾是天理矣蓋就一人之身分別內外而言非真有高下優劣之卜矣

二十一章以下分言天道人道縷縷至十餘章莫是爲兩項道耶

天人二意間見層出若無倫序而詳求其緒則天人相仍一串貫通二者分類各自得序於此蓋見子忠用意之濶而每讀此篇未嘗不有感於良工心獨苦之語若子美者亦可謂能識作者之心也



風之自果何義

吳爲風竈爲火盖火熾則風生而火者風之母也君子知風自火出之象則知風化之本自家而出而家之本又自身而出也夫身之所出唯言與行言有物則非虛言行有恒則非僞行言行相顧則其身修其身修則家齊國治天下平矣此所謂知風之自

答族弟宅中

相洛

從弟敬承

相啓

睽席已月餘隨時瞻悵如惄如渴未惟清秋旅幌玩蹟日有滋造左右應酬罔或差舛庶見逢



原迎刃之驗否疇昔期仗本非目中輩類之所  
可擬議則規規傾嚮豈以尋常例也相協塊守  
窮廬了無意况唯書冊義理可以遮眼而開心  
苦乏師友發難之力此亦不有推究新得之效  
則虛生幸免之歎庸有既乎近聞左右用功勤  
篤非懈不唯於書策佔畢孜孜致力律躬治心  
已超乎卑近淺陋之科而劄跟於古人先達之  
域孰謂衰叔澆薄之日而有淳龐雅潔之人也  
顧此庸劣亦幸聞風奮振如可以措身繩檢矩  
尺之中則始知友朋講劇之益不在於紛紛頰



舌只在一心上相知矣幸荷幸荷示中讀書多  
疑何不然也協曾從槐老樞衣於湖上與聞於  
問難講質之地當時忠量似若有會於心曾言  
意之間而樑摧哭散已經數十星霜則茫然以  
失初若不相干於文義口耳之末今對案追記  
漏釜所儲不啻十之一二敢抗何顏措說偃然  
如老將堅旗指揮三軍也好呵所欲言者非止  
百十殆難以寸楮罄也早晏歸篋盛貯刮目之  
資以還是庸企慕豈以未前阻闊爲懷也

別紙



問見顯亦在所不見聞否

程子曰人只以耳目所見聞爲見顯所不見聞爲隱微然不知理却甚顯且如昔人彈琴見螳螂捕蟬而聞者以爲有殺聲殺在心人聞其琴而知之豈非顯乎

中庸兼存省大學單言省何也

就君子成德之要而兼存省就學者八德之方而單言省存心於未發而察其方動之幾者是君子成德之要察其心之所發戒其偏主之失者是學者八德之方



既常戒懼而又加謹者未知如何用功

戒懼工夫不特於靜時做動時也如此慎耳蓋獨者機動之初理欲分界處故所以於戒懼之中尤加謹也

言喜怒哀樂而遺懼不知何故

人情上姑以陰陽兩邊大者而言之若代樂以懼則陽少陰多而不成得大矣此乃只言動靜中和之德而已非歷數性情如孟子四德四端之爲故舉大數也

未發時非但惡念不萌善端亦不萌耶



程子曰言將養於喜怒哀樂未發之時則可若  
言求中於喜怒哀樂未發之前則不可朱子曰  
未發只是未應物之時雖市井販夫廝役賤隸  
亦不無此等時節

未發之中

朱子曰此理對惡而言則謂之善對濁而言則  
謂之清對四方而言則謂之中

問無極而太極乃未發已發之理否

西山真氏曰卽吾心而觀之方喜怒哀樂之未  
發渾然一性而已無形無狀之中萬理畢具非



所謂無極而太極乎

赤子之心與未發之中同否

赤子之心只是真實無偽然喜怒哀樂已是一邊去了如生下時便有嗜欲不如其意便要啼號雖是真實已是有所倚着若未發之中渾然寂然喜怒未形見只有一片空明境界未有倚靠此時只可謂之中

庸學章句性發心發之不同何也

此言性發者據經文中和以性情言故也大學言心發爲意者據八條言心故也其實心性之



發者爲情而商量計較者爲意豈心性各有發用而情意各有苗脉哉

不曰不失其守而必曰其守不失者何也

此段方說未發之中自不犯分故謂之其守不失若曰不失其守則帶得安排意患便不是未發之中

吾之心正吾之氣順云云者果合於致中和與

致中故心正正字貼中字致和故氣順順字貼和字以未發之主字者言故曰心以已發之流



行者言故曰氣

修道教果在位育之內否

致吾一身之中和則教於此立而天地萬物各  
得其所所以本文不復說修道一句然此特以  
理言也若乃人之自分則何可只修一身而遽  
望人人之自新物物之自得乎

小註新安雲峯之說孰優

恐新安註似長

體要本體之要者乎

體要如木之體榦裳之要領或曰體道之要此



章爲一篇之綱而又爲下十章之綱也

答從弟君益相禹

近况何如家閭後生或有畱念向上進步得真  
實境界耶今世級漸降功利誤人鄉曲鄙儒以  
文干進滔滔不止古人之言垂訓之意寧欲使  
學者因之爲釣竊名利之具耶每一念至心寒  
骨戰不欲更鑽故紙而直仰屋長吁而已也以  
君盛年已果超出俗臼能脫然於休戚得喪之  
課而着跟牢確庶有企慕先民之志奮嚮直前  
少無携貳疑信之端極可嘉愛但檢已而太涉



拘迫視簡而或務苟泛似若放步於古人繩尺之外是則可慮也幸鑄去此患毋懈其汲汲慥慥之意則殘楮期望從此大矣須以勿忘勿助爲做着之設也從兄早從師友之末獲聞其律躬操心之要患欲斃死努力以塞受中之責而疾病禍患內銷外鑠荏苒因循蹉到桑榆之景回顧素心能不自悼也窮廬追悔更無有藉手地爾或可懲於前而戒於後耶波所望於左右者此耳幸勿自卑而自小也所錄患傳疑義縱不免不當問之譏然亦可見用意之不淺也



別紙

子思之稱仲尼既別其衆人通稱之嫌而又於其下繼之以子曰何也

此猶舜典稱帝曰而於舜之初命特稱舜曰者若子思所自言之下直稱子曰則何以別孔子之言乎

此言天命之當然而下四章曰天理何也

此論中和以及中庸故曰天命下章論道之萬殊處故曰天理理通上下之名命卽源頭活處執中時中果有異義耶



執者操之以揆事者也立之以範民者也其體則極天理之正是名大中其用則酌時措之宜是名時中

中庸之中字配大學至善與明德乎

未發之中卽至善之體也已發之中卽至善之用也中庸是至善也行中庸是止於至善也中和是至善也致中和是止於至善也明德之體卽至善之體而未發之中也明德之用卽至善之用而已發之中也明明德者卽立大本而行達道者也



君子言德小人言心何也

贊君子之好善故着德字原小人之肺腑故着心字以所受稟質而言

庸論釋中似不同云云

論語釋中字只言無過不及者盖孔子時異端不甚雖只言已發而人能知未發之意故只言已發子思時異端之害日新月盛其異之惑人在於未發故并言之

釋道字或路或理或中其訓不同何也

隨本文所指而立解如率性之道以在事物者



而言故釋以路不可離之道以性之德而言故  
釋以理道不行之道以過不及而言故釋以中  
知之有過不及智愚者之所分行之有過不  
及賢不肖之所爲其故何也

智愚出於氣氣者稟於天載此理而靈昭不昧  
者也氣清則睿智出焉氣濁則愚昧出焉睿智  
者敏於明故知以常過愚昧者拘於昏故做智  
不及此所以過不及之知由於智愚也賢不肖  
由於質質者賦於地凝此身而動作運用者也  
質粹則由之者皆賢哲質駁則行之者皆不肖



賢者勇於爲故行而必過不肖者昧於道故行  
必不及此又行之出於賢不肖也然此蓋以氣  
質之未免有偏者言之如智者不能賢賢者不  
能知若夫兼上智大賢而資生知安行則恐不  
在此例也此節亦在纂要中

作文之體篇章字句各有律法合字爲句合  
句爲章合章爲篇五章之只說一句不當別  
爲一章也

以詞章之體議聖人之文亦見之偏也一句爲  
一章何獨於此疑之乎



於舜言能擇何也

退溪先生曰擇善是學者事也而於舜亦下擇字者此非論舜之全體特以智而言故下擇字兩端與論語兩端不同耶

此所謂兩端如小大厚薄之類而小者是則從其小者大者是則從其大者厚薄亦然非謂執之於大小厚薄之中也論語所謂兩端是自精至粗自大至小無一之不盡也

顏子亦有勇

伊川曰難勝莫如己私而顏子能克之非大勇



乎

爵祿可辭似是義而謂之仁何歟

退溪先生曰爵祿人所願戀者非私慾而何無私欲故曰仁

夫子何不直告君子之強而設此二段歟

退溪先生曰直說君子之強則語急而少有味必先言南北強然後說出君子之強方是明白如浩然章黜舍先於曾子也

氣血之強何必舉其方名而名之也

強是勝人爲強則是特氣質風氣之所爲也故



舉其方名而象其風氣君子之強則變化氣質  
自勝人欲是學問之功而非風氣之所尚也故  
名以而強蓋氣質與德義初非兩樣強但以氣  
爲主而滅其理則爲氣血之強以理爲主而率  
其氣則爲德義之勇

智仁則固性中所在之德勇亦謂之德耶  
在天則於穆不已者勇而以德則實誠矣在人  
則自強不息者勇而以性則實信也亦各有攸  
屬

知行者乃用力功程而今以知仁爲之德者



何歟

以功而言則知行也以德而言則智仁也非德無以施知行之功非功無以成智仁之德也

費隱分形而上下之道乎

費底卽是隱底非有二物也以其用之廣而無所不在則謂之費以其體之微而不可見聞則謂之隱或以隱爲道以費爲器甚不然若以鳶魚言則鳶魚物也飛躍氣也理之在飛躍上不可見聞者隱也

體之微



如事親之孝從兄之弟費也所以事親之仁所以從兄之義隱也仁義是事親從兄之根本也故曰體仁義渾然在中漠然無形狀之可見也故曰微

語大語小

大以全體言小以一事言舉全體則極於至大而無外舉一事則極於至小而無間大小以道之隨所在而言非謂道之大小也

右三節并  
有先儒說

活潑字同耶

此理流行無所滯碍底是活此理分散無不昭



者是潑潑以吾道言之則若動若靜常惺惺警  
覺無須與間斷底是活身而家而國而天下皆  
是我度內不容一物虧廢是潑潑

道不遠人却是伐柯取則之意否

伐柯取則猶有彼此之別而人之爲道則道在  
當人嘗記尼悟道詩曰盡日尋春不見春  
踏遍隴頭雲歸來笑撚梅花嗅春在枝頭已十  
分此語亦好

答舍弟舜之相堯

睽歡未幾情愛鬱結未知君旅裏思鄉亦或如



在家者否家兄塊守窮戶索然無意况猶以君輩遠遊攻業爲有異日門戶之兆而豫倚如泰山耳今人學問多以不才爲辭是固不欲向上甘伏批退者之言志苟立而心苟篤寧有不成之患古人才智何等聰睿而猶以人一己百慥慥用力則愚下如吾輩者自當萬倍於古人庶有企及之漸前日議到匪爲不勤而尚此趑趄畏避其中心必曰刻苦向進徒見其費了心神而終無脫然之期設使一朝渙悟粗見一半分影響如吾低弱業不可遠成而名不可大就且



人必嗤鄙而不自信從兀坐空堂反有枯落之  
歎孰若早從名利自立功名也云爾者是皆志  
不立之病矣我既得名爲人則勉勉修行只欲  
克得名之義而已緣此而生計較之心則已非  
人道願須革祛此習更勿纏繞淩然向裏也歿  
身無名寥寥豈死何損於己分上耶當含笑聽  
天而已餘不拖長

別紙

齊治章首言孝弟慈而康誥之單舉慈者莫  
是舉一隅而證三隅者耶



固是然或問曰既舉其細則大者可知

此章章句不釋興字而下章曰有所感發興起何也

此章之言仁讓泛說大體下章之言老老長長直說其所以民之興起尤似親切故耶不敢斷以臆見也

孔子曰攻其惡無攻人之惡今曰有諸己而後求諸人無諸己而後非諸人聖賢之言不同若是也

此則治平君子之事耳己正則欲正人世之君



子多有已不正而遽欲正人故曰有諸已而後求諸人無諸已而後非諸人豈非切於攻已而緩於攻人耶

室其家人傳者引用與詩不同詩言婦人之賢安其夫家之人傳者之意君子之賢安其婦人卽是刑于寡妻之意耶

固是

室家人而教國人者責效之無乃太迫乎

楊誠齋曰正莫易於天下而莫難於一家一家之正又莫難於一婦一婦正一家正一天



下正矣

不曰幼幼而曰恤孤可得聞耶

慈己之幼人之所易恤人之孤人之所難故孟子言推則自其易者此章言慈則先其難者

上之恤下獨言孤何也

民以君爲父故於四窮之中特言無父之孤

天下平之平字與矩字相應否

不必如是巧剔爲說國小而天下大故曰平平莫如正正莫如方方之所以爲者矩也

一介臣書註言介獨也莫是爲獨夫之義否



惡人之爲災害於國者必皆朋連黨結君子則未嘗阿附比同而挺然特立如一介物之不羣非謂獨夫之自絕於民衆也

孟子曰國君進賢如不得已今日舉賢而不能先慢也其言之不同何也

用賢之勤已自裁量於見之之前今日舉賢則豈非孟子所謂國人皆曰賢然後察之見賢焉然後用之之時耶

答舍弟元七相斗

息餘得書慰滿此心但靠諳有欲西之志旋切



爲慮弱年修途氣質難強且暑病方熾往往有  
債越於中路者是時行戒曷有其已設使萬無  
此虞少輩蔑學遽入場屋不省治官修己爲何  
等物事而妄有希覬科第之望則其不爲君行  
先生之罪人耶士子立身要皆有得君爲重而  
不才無學先欲欺君終無絲毫裨益於吾身上  
功業而因是爲覆隳家戶殞滅身心者又種種  
有之能不爲後車戒也君之姿器不凡學術似  
有成慥慥進進積累時月業可以期古人出仕  
之地而欲展素志前頭事爲何多讓於古人計



不出此而隨風逐隊滔滔如鼓鳶聞鈴則無基之屋無素之繪寧有可成之理耶徒自貽笑於人而已幸絕意外慕理篋歸文殊波處尋師力學如嚮時節度也

別紙

不曰窮理言格物者亦有義耶

形而上者理而已形而下者指事物而言大學之道自下學事物而漸到得天理

格致之前身心姑不可以正修乎

朱子答吳晦叔曰大學之書雖以格致爲用功



之始非謂初不涵養踐履而卽從事於此也又  
非謂物未格知未至則意可以不誠心可以不  
正身可以不修家可以不齊若曰必俟知至而  
后可行則失事親從兄之義豈可謂吾知未至  
而必俟其知而後行哉

太甲之言明德爲明命莫是天人一致而言  
耶

經言明德而不言夫本乎天故傳者於此引說  
天之明命中庸首句亦本於此矣

堯之峻德果有過於文王成湯耶



堯之德亦只是明明德十分盡處非明德之外別有峻德也

鼓之舞之指何以喻之

我擊鼓於此人自跳舞於彼民之所以感發奮振者其狀正如我鼓而彼舞之云也

盛德至善亦果有分開說耶

以人言之則曰德以理言之則曰善若止言盛德則渾然難卜止言至善則又似偏欠而不見渾全故兼二者言之耳

傳者於三綱領章不別立己意而動引詩書



何也

此亦曾子承經之意也經曰古之欲明明德於天下者先治其國云云則傳者之多引古經言堯湯文武之德者所以發明夫子思古之義也使無訟亦一新民之事而其曰此謂知本何也

虞芮質厥成是箇文王新民之效而不有我之德畏服其心之實豈能然乎所謂明德者包含在這裏非新民之本而何

既立明德新民之傳則本末舉矣又其下別



立本末之傳何也

是不察經文之義也經文旣言明德新民而以物有本末一條結之一之不足而又申之於末二節則其本末之義爲重而必欲著明者可見矣

表裏精粗亦有美惡之分裏美而表惡耶表者人物所共由之義如父之慈子之孝人皆可見是表之著乎外也裏者吾心獨得之理如所以慈所以孝之理人所不見是裏之隱於內也精屬裏粗屬表亦非有美惡之分也



答族侄士瞻顯斗

謂際得書，靠審旅體神旺，爲慰滿萬協奉老粗。  
遣而虞憂之來謝，却不得日用身計了無。向人  
上口底事耳，悶歎奈何。第念吾門衰替不振，天  
之生槐兄，未始不爲眷顧之兆。而旣畀大德，不  
得其壽，降割之酷，又何其然也。無知後生緣此  
懈慢，以學爲諱，肆不顧忌，竊恐此非細憂耳。若  
個年少，矢心努力，思所以保守其規模範圍，使  
一線家學，永不至墜隋者，是乃報答平日之至  
意。而且此學固茶飯生民之不可一日無者也。



曷爲外至譽謫而有所沮勸於其間哉今君之  
挾篋棲山正是先獲此意果若着跟立心致得  
已百之功則公兄遺緒庶有囑據之地而環門  
耀大之望復在於君矣孰不豔服而敬愛也耶  
所詢疑目畧舉前日所聞者以塞問寡之盛耳  
餘惟冀學履珍齋

別紙

庸學相爲表裏先儒皆以云云然未諳其所  
以也

大學修身之本八德之門故曰學者之事中庸



明道之書傳心之法故曰教者之事然非修身  
八德之學無以施明道傳心之法非明道傳心  
之法無以究修身八德之學此相爲表裏  
又有言庸易表裏者信否

先儒謂庸易相爲表裏蓋易六十四卦其理則  
天命之性也其用則率性之道也而聖人設卦  
繫辭使民卜筮以趨吉避凶而歸於中正者修  
道之教也先天之卦天地定位日月代明風雷  
相薄山澤通氣卽中庸天地位之事也後天之  
卦五行循環而成造化之功男女相與而致生



養之事卽中庸已發之和也邵子論易曰圖皆  
從中起又曰先天圖心法也程子論中庸曰放  
之則彌六合卷之則退藏於密又曰孔門傳授  
心法中庸大易同一心法也豈特相爲表裏而  
已哉此條曾見於記聞錄

誠神互爲體用耶

誠者道之本體真實而無妄者也神者道之大  
用妙運而不測者也不言夫誠無以見道之亘  
萬古而不可易也不言夫神無以見道之體萬  
物而不可遺也誠爲神之體神爲誠之用而誠



神非二物也故二十六章曰天地之道可一言而盡其爲物不貳則其生物不測天地之道卽中庸之道而不貳誠也不測神也中庸一書之旨其果外誠神二字乎

道學道統同耶異耶

陶菴講說曰統如春秋大一統之統當兼統緒看道爲一篇之要故以道學言

微者著云者果有貌狀取譬之義否

權約齋問微者著是小者大之義否大山先生曰不然比如一箇孤舟風起波盪出沒隱見微



茫難見及其風定波平槳棹呈露望之分明前  
之微茫難見是這箇舟後之呈露分明亦是這  
箇舟

子思之言與堯舜授受符合則天命率性不  
兼言人心何也

此句雖不言人心然朱子曰有道心而人心爲  
所節制人心爲道心也此旣以天命率性立說  
下來則其謂道心恐管就人心爲道心處拖引  
說去道心字却抱人心在其中矣或曰命性純  
乎理而不雜乎氣固不容以人心字着於其間



此亦似矣然只管如是說則率性一句却墮一邊而不足爲一篇之綱領豈有是理耶

放彌六合退藏於密

按彌字及退藏字皆拈來易大傳語放者是應事時不是人要放自是心之用如此卷者是事去後不是人要卷自是心之寂如此放拓去事物物皆有當應底道理而其功至於參天地贊化育此豈非彌六合者耶卷八來寂然而無涯涘之可窺渾然而無端緒之可尋此非所謂藏於密者耶放彌六合是中散萬事也退藏於



密是始末言一理也

性道教固有一原分殊之可言耶

天爲一原而性爲分殊性爲一原而道爲分殊  
道爲一原而教爲分殊萬物之理同出天則天  
之所以爲一原而性之所賦物各不同則性之  
所以爲分殊也性之具於未發者渾然全體則  
性之所以爲一原而道之散於萬事者條分派  
別則道之所以爲分殊也道之當然者無處不  
然則道之所以爲一原而教之修爲者隨事各  
致則教之所以爲分殊也然性也道也教也莫



非天理之自然則所謂分殊者莫非其一原之所在矣此條南塘之說盡矣更不必究索

章句不釋天字何也

陶菴講說曰此天字所包甚闊不可容一二訓釋也

不睹不聞未知屬何等時節也

心經曰未發之前戒懼之心何處着落陳潛室曰未發之前體已含具萬用在此不比禪家寂如空如所以惺惺主人常在冥冥中照管都不曾放下了蓋雖是持守體段却不露痕跡



恐懼等耳而庸學所指似有差別何也

中庸之恐懼是事物未形之時常常持敬令人  
不昏昧而已大學之恐懼只是俗語所謂怖畏  
之意自與庸異

戒懼屬靜而慎獨屬動耶

戒懼之義朱子或兼動靜而爲言如答子約書  
及章句常存敬畏既常戒懼之義是也或專屬  
靜而爲言如答胡季隨石子重書及章句存天  
理之本然自戒懼而約之等語是也大抵不兼  
動靜則敬畏工夫有或闕遺不專屬靜則存省



條理皆無段落所以朱子合二說而明之也  
道并行而不悖本文言道而章句言四時日  
月恐或此道字兼氣而言與一陰一陽之道  
有異否

四時日月卽陰陽也其錯行而不悖者卽一陰  
一陽之爲道也此道字之兼氣與一陰一陽之  
道有異云者於愚意亦恐未然

答族侄士瞻顯斗

雪滿窮山蔀屋如冰令人意患索然無復好况  
可道而第惟窮泉陽德方有一線昭復之理則



斯文既墜之緒亦與日俱長矣未諳賢由微研  
果能及時透到否相愛之地溯嚮不淺承示有  
究索質難之義誠極愛尚讀書講明是所謂格  
致之一端古人所相與勉力者而若專事口耳  
務外不實則亦一小技耳何益於身心哉左右  
好古之誠不應如是逐末而向見論經用意過  
密稍涉支離穿鑿之病非細憂也動必反已切  
實向裏當如古人千言萬語只爲治心行己之  
具而傳諸後耳幸浚思而加之意也

別紙



外有以極其規模之大而內有以盡其節目之詳豈以規模之大而爲外而輕節目之詳而爲內而重耶

不必分輕重說也節目之詳卽此德始明之節次也規模之大卽此德已明之極功也自有先後之序則宜其先言內而後言外然先言外者猶八條目之先言明德於天下者也

至善之目聖人固欲其人人做到故爲大學之綱領然自昔能之者少如顏子亞聖而未必能明新之止於至善則至善云云無乃近



乎懸空題目耶

孟子曰大匠不爲拙工改廢繩墨羿不爲拙射  
變其設率大學之至善猶大匠之繩墨大射之  
候的學之者雖有智愚巧力之不同然聖人之  
昭示準的何嘗爲是而低昂之也

齊治章獨言必先字何也

正修以上一身之事也故云某事在某事齊治  
以下體面闊大故齊家章下兩其字治國章下  
必先二字耶且未有意不誠而能正心者心不  
正而能修身者也治國則或有家不齊而能服



衆者如齊桓之類故云必先齊其家耶不敢質言

雞豚牛羊民之所畜養爲利故食君之祿者不察不畜朱子或問旣取董子齒角之喻又引孔子之斥臧文仲妾之織蒲不仁之語而於小學書則記敬姜績麻之事何也

織蒲本與民爭利且臧文仲當世名卿而有此織毫殖利之事故直斥其不仁矣績麻本婦人之功而王后以下皆有職事則敬姜之欲其明王制昭淑德以防其子驕溢之心非要其區



區謀利於殖產之末何害於義而云云也

疑其格物物字包括得天下無窮事物不特是日用事物之物而已然章句釋此物字曰物猶事也此則只貼得日用事物之物釋去且格物者不過是求知至善之所在苟知至善之所在於所當然之事所以然之理須一窮到苟於所當然底不窮則做事時不能無差謬於所以然底不窮則於當事處不能無疑惑然章句釋至善曰事物當然之極且遺却所以然底一邊何也



既有至善之訓則至善向上乃有所以然底章句固不容着這箇字况所當然底可以止得而所以然底不可以止得乎愚意如此更賜反覆如何

說

安宅說

孟子贊仁曰安宅大哉宅之義也人之啓處起居唯宅是須而宅不完緻則臬兀而不自安矣盖仁者天地生物之心而人得以爲心者也公其理也愛其用也惻隱其發也居之則致中致



和而位天地育萬物一身奠安矣大抵爲仁猶  
宅之必居燕養必於斯應接必於斯涵濡浹洽  
通透洞徹大而君臣父子細而鳥獸草木無不  
各安其位而吾不以所居之宅爲宅而宅於仁  
矣其爲宅也鞏固無比嗜欲不能以傾覆也私  
累不能以毀敗也是故天子居之則宗廟奠安  
皇基永久諸侯居之則社稷恒存土地常有卿  
大夫居之則陰陽調順祿位長保士庶人居之  
則一家康吉四體不虧尊者居之而不以爲詘  
卑者居之而不以爲僭善雖萬端而容之有餘



惡雖一疵而容之不得有所難處而處之不失  
其中有所不平而處之不失其和耳雖然衆人  
舍而失之恒有抗隍之患君子順而行之常有  
優游之樂人皆有之而孰禦之而不居也學者  
但當常處其中而不可須臾曠也

記

天皇山記

文殊一支南走爲金盤金盤之前脊蜿蜒屈曲  
分三枝而復轉爲一峯所謂天皇山者也東臨  
虎崖北拱鷹坊不甚壯巨而奇秀佳麗茂大豐



林怪石靈泉允合玩賞之地然不見稱於騷人  
墨客之口者特靜僻幽隱不以佳勝著名也蓋  
地以人顯而此山之不聞勝乎世卽居山者之  
責耳於山何累但其得名爲天皇甚無意謂也  
或者謂山自靈異每於旱潦之年禱雨祈晴動  
輒感應以其有生物濟衆之恩如皇天仁覆之  
澤故名之予謂湯禱於桑林而得雨是湯之德  
有以致之非桑林之力也今夫居民之禱于茲  
山也亦能極致誠虔而有神明感應之理也豈  
茲山之力能有以雨暘之哉顧惟其地僻陋村



俗愚憊當改稱爲天荒則不害其義也猶其嫌  
於輕改因俗稱之使居其下者粗有見解則日  
夕仰止有如皇天之儼臨出往遊衍不敢少有  
怠忽之心而樂天聽命不隨其天賦之素性愚  
騃無似者則又畏其神異不敢爲違天犯分之  
事惴惴顧瞻而務修農桑之業而已然則山之  
名其亦有功於人矣乎戲爲之記

祭文

祭槐潭先生文

小祥時

嗚呼先生之生斯文有相先生之亡斯文迺喪



至清之氣不世之才學邁前人啓厥方來立雪  
湖上得聞大方近裏着力向上立程苑有綱領  
規模煌煌本之身心敬義夾持燕私不懈動必  
有儀和氣春嘘于以熙熙河洛之秘鉤幽索玄  
究道之原乃出于天著爲圖象以詔來賢因造  
璣衡克明至理四時之運無終無始天地以位  
萬物以遂究明性理罔或敢墜陶上之設閩洛  
之旨蠶牛析微毫髮辨異以至昆蟲鳥獸草木  
無微不達無幽不燭若夫鬼神消長伸屈爰暨  
兵人吉凶禍福王霸興亡山川沿革指示明瞭



宛如在目是其爲學所以博約苟假之年滾造  
其極長途肇發胡折其軸協也非才蓋難採化  
提引陶鎔庶免鄙唾義雖兄弟恩猶父子牖以  
義方勵以廉恥粵自童巾迨及中歲指類摘疵  
不遺巨細欲報之德天地悠長胡遽騎箕俾我  
涼涼一痛腸折觸處堪頻吾道疇托長夜不晨  
敢庸觴豆告以平生伏惟先生右我明明

松廬集卷之一



松廬集卷之二

附錄

挽詞

金養厚

義士清風下其門又出賢庶紹槐翁學天胡  
不永年

又

李樂韶

此別何其荐槐翁已昔年出門十里地寂若  
無人焉

又

從兄相達

惟君素履卓凡曹冰玉其心薑桂操不將名



利求於世林下誰知一士高

先春花樹百年村瞻望遙遙桑梓園顧我飄  
零無處寄羨君惟作故山魂

祭文

李之元

嗚呼淑氣扶輿大嶠崢嶸儒真之林鄒魯之  
鄉篤生君子槐翁是挺行孚家邦多士寔仰  
洞合白鹿派傳曲江公居從行獎許不輕力  
究本原志存直方一自山頽激厲尤深槐疎  
敗埤月沉古潭以是悽涼意倦斯世二豎乘  
間膏肓閱歲定力所及時之無恐彼蒼無心



撤我幘幪闔境齊傷遠近咸唁以予無似驥  
附蝨賤月日敘晤鄙客自前今焉已矣于誰  
從穀義理淵微哀我無目自爾摧悲控于冥  
漠冥漠何知我思如結我觴伊醕我肴芬苾  
公庶諒我顧歆一歆

又

權章錫

嗚呼德行也學問也有如槐潭公之天挺賢  
豪實是嶺士之欽仰而公又高足也劬經析  
理欣念食息誦其書行其道承嫡鉢體遺旨  
昭合無間其薰陶漸磨之效施之廣而及之



遠既有富有又績其學而顧可恨者無其年  
爾哉清明溫粹之氣歛克大光華之才醫然  
乎土中而莫之爲之者耶於乎猥劣膚淺世  
篤契好荷提撕之力蒙開發之勤而自視自  
檢庶無大戾矣今照幽之燭滅知形之鑑碎  
張張冥途孰扶予顛躓也一痛腸絕視天夢  
夢未知公在天之靈俯領我此心耶

又

金養厚

於乎篤學有志之士例數促不延者何也公  
萬里之轍見折於中途猶槐翁之青陽不舒



吾黨所以嗟惜者尤於前也公之於槐翁生  
同一室齒間六歲師生而知已也其文章相  
伯仲德望相表裏琢磨鑽研究尋演繹靡所  
不同而及其歿也如約信之必踐期會之必  
赴後先歸逝天之降喪何如是存也噫噫悲  
夫公問學之靈見識之精非比凡品之泯然  
而化耳其磅礴之氣鬱而不洩耶激烈而轟  
發耶豈叱百靈駭虬螭與風雷渙發耶贊化  
育滋萬物與元氣消長耶抑洩而爲河海耶  
結而爲喬嶽耶不然隨槐翁於修文殿而塗



青點朱贊上帝之功化耶斯文之痛極矣後  
輩之汲綬絕矣安得不哽塞而填膺哉吞聲  
出門夕氣戎戎嗚呼

又

金敬躋

於乎川城一曲賢士冀北孕精溪山遺芬邁  
軸槐潭處士於是挺生學究性命理蹟真精  
公時并出發揮敷演杜門劬書力行實踐不  
知年數攷攷究尋綱章含美玉蘊光燦聲華  
鴻漸將儀晟世胡不求年芝蘭委翳谷裏遺  
香復誰之識吾黨日孤後學墮埴嗟我魯莽



夙欽高風遂附蓬麻啓昏聾氣求聲應如  
泉療渴高山景行我思如結尻輪不待萬事  
風燭芬歇幽軒音斷空谷星霜漸適泉路永  
隔此生何日更接容儀知音半生絃斷可悲  
敬薦一罍有淚交頤

又

從兄相達

嗚呼君之辭世如昨而祔廟在明夫何星霜  
之易適而人事之難必也顧殘門才子生也  
死也亦係關於運會而古人所謂適來適去  
者此也吾不敢怨尤於天之予奪而不得不



失聲痛哭者以君溫雅之質篤實之行空若  
有爲而不得求年而遠就是爲化者而哭也  
天於吾家未始不厚旣生槐翁繼又得君自  
先零替之世庶幾光大而摘埴羣蒙庶可獎  
成門衰祿薄天奪斯速是爲家門而哭也唉  
予昏蔽雖不能效其萬一而嘗相諏謀論質  
自分得免爲小人之歸而衰暮界頭遽失此  
友是哭吾私臆也嗚呼君之影響無處可憑  
吾之情私無地可慰而第惟君所著若干言  
貯在巾箱擬欲使子姓謹守傳述庶可資徵



於後日君其知否嗚呼

又

族弟相彥

嗚呼天之生公若將眷顧我門戶而何畀之  
厚而施之奢也公姿性溫雅才器穎悟早遊  
槐翁之門而特蒙獎許以爲異日之進不可  
量云爾則公之蓄積有素而并可興學於槐  
翁之世矣奈之何門祚衰薄後生無祿槐翁  
旣不得壽則公之至冤深痛無所號告而猶  
自畱意於學問思辨之工杜門專精勵志發  
憤使槐翁遺緒庶幾修理矢以此身爲傳鉢



之主而累歲沉嬰之疾膏肓於山樑崩頽之  
日竟以觀化於不惑之年則公之志業莫遂  
而先徽之影響從此絕矣貌余小弟素以虛  
薄之質猥蒙教誨十載門屏受恩實多嘗記  
詔呬之一言曰學本爲己不要爲人君其勉  
哉小弟雖不能克體其萬一而深知公平生  
精力實從爲己上做工夫耳書紳服膺改牖  
捐滯庶冀有薰化之日矣那意一朝忽失賢  
師此生刻骨之痛與蓋壤無垠矣於乎公去  
一基儀形雖永秘而宅畔孤松晚節惟高箱



頭亂稿手澤尚新是乃公不朽之蹟而可以  
倣像於當日矣嗚呼

又

從弟相禹

嗚呼余小弟在昔齡從諸父老後得聞我  
曾王考及王考積德累仁空其垂裕後昆而  
零星不振每疑福善之理無明驗也及其稍  
長親見我伯父若季父懿行偉德繼開謨訓  
然後有以知諸從氏之聰明才質文辭學業  
之有自來矣粵在甲子春伯從氏首登上庠  
自祖宗來積累之發始兆於此而公穎悟之



資篤實之工承襲槐翁者設張大我先徽者  
專門所擬待而天不畀年中途長逝此何事  
也此何理也滿箱書籍非公而摩挲沉復者  
誰開曉策勵者亦何人自公歸後箕弓獻謨  
墜墮而無稱述之道愚孫末學放倒而失導  
迪之方若箇未死之人曷以喘息於窮寔爲  
榮幸也耶嗚呼

又

族侄顯斗

嗚呼惟公精見遠識衣鉢於吾先子者設則  
藐余後生未敢蠡管於河嶽高深之如何而



先子嘗爲公稱詡期倚不些時余在幼聞諸  
隅側丁寧如昨日事爾噫如公蘊負眼未得  
展措於廊廟之上而荆璞齊瑟沮尼于有司  
之不明竟以一隱淪歸復于土尋常知舊之  
間猶嘖嘖悼惜況乎同堂之內一生知己原  
濕相求之地耶竊惟公勵志篤學專精向上  
收拾吾先子之遺緒究就其未卒之志業者  
寔公分內之事而不幸天又奪之使環門來  
齋復有山樑之痛哀我蒙滯於何考德於何  
仰倣庶免罔生之歎也悠悠窮宙余懷曷已



於乎哀哉

遺事

公諱相協字君燮號松廬姓裴氏興海人新羅初有諱祗沱以漢祗部長始受姓高麗初有諱玄慶以初國功臣官太師諡武烈實

裴氏五派中祖也恭愍朝有諱詮討紅羅賊有功受封興海子孫分貫爲籍寔生諱尚志以判司僕寺事見麗運將訖屏居安東金溪村種栢竹名其堂入我祖朝不二節以士林疏請贈兵判享鏡光院七世而有諱三



近靖陵參奉與伯氏臨淵齋俱登陶山門

寔生諱寅吉龍蛇亂倡義殉節夫人李氏亦

拜命士林禮葬之純廟丁丑旌雙節寔生

諱命全贈通政大夫左承旨於公間五世

高祖諱興翼曾祖諱應傑祖諱行式贈通

訓大夫司僕寺正考諱遜贈通政大夫戶

曹參議妣贈淑夫人全州柳氏通德郎光

昊女繼妣贈淑夫人安東權氏重夏女公

柳氏出也生元陵丙戌七月十七日公天

資穎悟學業早就十一歲丙申冬祖考僕正



公大祥以袖衣垂帶拜參祀事頗有節次座客愕然以爲褻門有知禮童子十二歲與從兄葛筏公相逵遊槐潭先生門力志篤學多有問答疑目嘗曰二人字爲仁爲天則其必曰至仁者天而得是理者爲人也一仁天之下胡爲聖人胡爲衆人先生以是濳加獎許公久讀小學三年不撤外祖柳公愛其劬勤績學撫頂言一書三年何意也公跪進曰小學是成人之基本十七勝冠御家有法小有過差卽不言不食夫人溫辭而問曰必有所



失於供奉之節歟公少舒顏色夫人亟加孝  
養隣里咸稱不語中成教己酉初夏槐潭先  
生奄棄世公失聲大哭曰此中無復向學之  
方遂畱意公車之業肄講四子書累中鄉解  
竟屈禮闈戊午秋自南省駭病歸來十載沉  
痼隣友勞問病情謂塲屋間風雨所惡之致  
公慨然曰觸冒只是外傷自槐翁歸後至冤  
浚痛凝結胃肚此病之根蒂已久矣茲於刀  
圭之暇謄出先生庸學纂要傍引諸家要義  
爲羽翼原書間以己見添註演義名曰續纂



要又於論孟裒輯疑義畧加條辨門下執冊者多有啓發之力子侄侍湯者嘗以調攝忌寒將爛簡餘紙欲塗壁公止之曰聖賢遺篇雖破壞虧損皆五經辭義也且羣哲諱號在不可點污塵土中也己巳十二月二十七日遂棄世享年四十四葬虎崖山負庚原於孚公以聰睿之姿穎敏之才并生槐爺之世帥禮於髫髻之歲志學於舞勺之年四德次序之辨理氣偏全之問畫卦下上之理洪範五行之說載在槐潭集中問目此皆二十前造



詣也苟使先生遐享期頤使公日灑掃於門  
循下學上達之序勉行遠自邇之業駸駸入  
大中至正之域則其成就豈可量哉噫公之  
役于程文豈其素志無何所崇根因於依歸  
無所所以托意滾遠者不過續纂要三冊本  
稿一卷而已至今百有餘年烟煤斷簡一任  
塵蠹所侵世無子雲堯夫惜乎冤矣配安東  
權氏命岳女媿德無違以孝養舅姑聞生二  
男顯麟顯鳳三女李學韶金時健徐郁烈顯  
麟三子瓚周球周武周同樞出系義士公嗣



二女孫邦謨金遇翰顯鳳一子達周一女黃  
胤九李學韶子顏華金時健子鎮邦女徐在  
殷安光近徐郁烈子在敏瓚周一子善禎三  
女金樂祜孫昂謨黃泳夏球周二子善壽善  
富達周二子善養善文出一女李應淵孫邦  
謨子錫基監役女金輝錫黃守鱗金遇翰子  
載憲都事載鼎通政載珣載聲載璐女李桓  
善禎二子永泰永復三女權宗洛金珠洛柳  
成欽金樂祜子燠亨女權相玉進士柳相佑  
孫昂謨子錫允黃泳夏子在轍女朴勝鎬善



壽一子永和永泰五子東進東魯東正東殷  
東翊一女許鑷永復三子東熾東旭東燦權  
宗洛子斗銖鳳銖台銖金珠洛子仁模永和  
一子東極東進三子容煥寅煥錫煥東魯二  
子鳳煥鍾煥一女張師鶴東正一女全秉河  
東殷一子章煥東翊二子益煥奇煥東旭二  
子極煥景煥曰嗣孫東進以其曾考儒齋翁  
所撰傳聞錄謀余以記德之狀顧後生蔑識  
不敢當之然辭之不獲者竊念公山仰之德  
淵微之學曾於槐祖集中槩見鳳一毛豹一



班而其餘則有文獻杞宋之歎今見儒翁所  
實錄則可以徵信百世矣非余所僭妄故敢  
撰次如右以俟日後秉筆家采摭云爾

歲甲寅玄臘之上浣再從曾孫善榮盥手  
再拜謹書

行狀

公諱相協字君燮自號松廬裴氏受姓自羅  
初部長諱祗沈興海爲貫肇於麗季勲臣諱  
詮之時其來遠矣累傳至本朝有曰諱三  
近與兄臨淵齋公俱遊退陶門是生諱寅吉



執徐亂倡義死綏是生諱命全 贈左承旨

是生諱興翼卽公高祖也曾祖諱應傑祖諱

行式 贈寺僕正皇考諱遜 贈通政大夫

戶曹參議妣全州柳氏通德郎光昊女繼安

東權氏重夏女柳氏以 肅廟丙戌之七月

十七日生公公穎悟出倫年甫十一歲參僕

正公祥整衣帶周旋有度見者皆以知禮童

子稱焉翌年就學于槐潭公聞見益博多有

講質論辨嘗曰二人字爲仁爲天其必以至

仁者天而得其理者爲人也仁天之下胡爲



聖人胡爲衆人槐翁聞其異之又以小學爲  
做人樣子讀之三年不撤自弱冠已禦家有  
法差有過失輒不語不食待家人摧謝然後  
乃假顏色鄉里咸稱不言而教成焉先是槐  
翁編輯庸學要義爲纂要一書公又傍引諸  
家註疏以演之名曰續纂要又裒集語孟疑  
義逐段辨証一方學者賴以啓發者多公之  
力也公嘗以門戶之計蚤事公車累中鄉解  
戊午自南省病歸朋舊來診之公曰吾之病  
根崇已久盖自槐翁之歿歎恨依倣無地痛



結膏臆以成沉痾故也竟以己巳十二月二十七日卒于寢享年才四十四葬于虎崖山向甲之原噫公以聰敏之姿加切實之工其擇術之正嚮學之勤自齟齬時已然而又與槐翁并時既造其堂而嚼其蘖則公之一生所大耽樂亶亶不倦者不在文辭之末而專用力於經學上矣是以四德次序之辨理氣偏全之問畫卦下上之理箕疇五行之說攷之槐潭集中問目可知而斯皆公二十前所成就者苟使公假之以年而益勵其志得以



大肆力於靜裏工夫以到晚暮之境則見識  
當益明造詣可益深而古人所謂今年勝似  
去年去年勝似前年者不但爾也奈何儒運  
浸薄造物偏猜才踰不惑之年疾病遽爾乘  
之可勝惜哉雖然公之平日真積之工著於  
續纂要一部其所以羽翼斯文嘉惠來後者  
固不淺鮮而非俗下詞章之士所可企及也  
由此言之公之隱約窮閭做得實地工夫以  
至今百許年語公者皆以學問中人推之公  
之名可謂不朽而天之所以施於公者豈故



欲齋於彼而厚於此者耶配安東權氏命岳  
女甚有婦德育二男顯麟顯鳳三女李學韶  
金時健徐郁烈顯麟三男瓚周球周武周同  
樞出二女孫邦謨金遇翰顯鳳一男達周一  
女黃胤九李男顏華金男鎮邦徐在殷安光  
近其二壻也徐男在敏瓚周一男善禎球周  
二男善壽善富達周二男善養善文出善禎  
二男永泰永復善壽一男永和永泰五男東  
進東魯東正東殷東翊永復三男東赫東旭  
東燦永和一男東極東進三男容煥寅煥錫



松廬集卷之四 金  
煥東魯二男鳳煥鍾煥東殷一男章煥東翊  
二男益煥驥煥東旭二男極煥景煥餘多不  
錄日吾友善榮與公嗣孫東進過不佞曰吾  
祖下世已百有餘歲近方收拾斷爛之蹟付  
之剗剗盍賜記德之狀以惠之顧此老廢實  
非所堪而旣屢辭不獲畧加櫟括撰次如右  
庶幾秉筆者有所裁擇焉爾

歲庚申仲春下浣真城李康鎬謹撰

墓碣銘并序

公諱相協字君燮號松廬姓裴氏其先顯自



羅麗麗季有諱詮討紅賊有功受封興海郡  
子孫因貫焉生諱尚志號栢竹堂官司僕寺  
事 我祖龍興因僕自靖 贈兵判七世而

有參奉諱三近與伯氏臨淵齋同登陶山門  
是生諱寅吉龍蛇亂倡義殉節夫人李氏亦  
同殉 旌雙節問生諱命全 贈左承旨於

公間五世高祖諱興翼曾祖諱應傑祖諱行  
式 贈司僕正考諱遜 贈戶議妣全州柳

氏光昊女安東權氏重夏女俱 贈淑夫人  
柳氏以 元陵丙戌七月日生公天資穎悟



學業早就年十一遭僕正公喪帥禮持服如  
成人嘗與從兄相達論天人之理公曰二人  
字爲仁爲天其必曰至仁者天而得是理者  
爲人也旣勝冠刑家有法有微過卽不語不  
食夫人自引曰是必妾有失於事親也益加  
孝謹人以爲不語中成教時族兄槐潭公遊  
大山先生門獲聞爲學旨設公自在象勺已  
從槐翁學有卦範疑問四德次序理氣偏全  
之問槐翁深加獎誨公年二十四而槐翁遽  
謝世痛卒業無所號實如不欲生戊午秋自



試園賦病歸遂屢棄舉業專意於調神向裏  
之工始槐翁有所編庸學纂要公重輯諸家  
要義間附已見以發揮先儒之旨而羽翼槐  
翁之書名曰續纂要又粹論孟疑義畧加訂  
辨而未克成書病既革謂友人曰自吾歿槐  
翁深痛結齋遂成根蒂沒非蒲苓所能爲也  
以己巳十二月二十七日終享年四十四葬  
虎崖山負庚原配安東權氏命岳女婦行克  
備育二男三女男顯麟顯鳳女適李學韶金  
時健徐郁烈顯麟子璿周球周武周同樞出



爲義士公嗣女孫邦謨金遇翰顯鳳子達周  
女黃鳳九贊周子善禎女金樂枯孫鼎謨黃泳  
夏球周子善壽善富達周子善養善文出女  
李應淵善禎子永泰永復善壽子永和永泰  
子東進東魯東正東殷東翽永復子東赫東  
旭東燦永和子東極東進子容煥寅煥錫煥  
東魯子鳳煥鍾煥東殷子莊煥東翽子益煥  
奇煥東旭子極煥於乎槐潭先生以絕世之  
才承宗師之教精思力學蔚爲聞儒而和氣  
有限壽不永年公生并一門其姿地見識又



槐翁之亞耳自夫少日劬經勅行蓋將有以  
踵述聲徽恢張門戶而甫踰中身又遽不淑  
天之於裴氏生才旣不偶而卒嗇其劑命抑  
何哉雖然其所纂著皆有以發明經旨精深  
該鬯是以有辭於斯文而後孫又克昌衍公  
之所存者固長矣而報施之天其亦不爽矣  
夫東進雅謹有闡先之誠屬余以顯銘義有  
不敢辭者銘曰

得之於天溫而穎也家有賢師早就正也覃  
息纂輯剖肯綮也而不大年其如命也銘以



昭之千禩之永也

鄉後生永嘉權相翊謹撰

墓誌銘并序

於乎運會降而氣數漓天之生一才而成一  
儒蓋靳甚焉爾若槐潭先生裴公之門又有  
松廬子出醇資實踐伯仲聯徽天地間一種  
英明之氣萃于一家并生才德何其盛也既  
生之不克遐享而充其有又何闕也噫其可  
悲已謹按公諱相協字君燮槐翁之五從弟  
也生元陵丙戌天資早悟動止夙成自就



學之日已知有向上事業造次不懈十一歲  
當祖考祥日以有袖衣帶奉奠禮賓頗有節  
次吊者咸稱知禮童子十二歲在槐翁門與  
從兄葛筏公相達論天人性命之說曰二人  
字爲人爲天其必曰至仁者天而得是理者  
爲人也一仁天之下或爲聖人或爲衆人何  
懸殊也先生大加歎獎與相疑目問答多有  
契悟久讀小學三年不輟外大父柳公嘉其  
劬勤撫頂曰一書三年何意也對曰小學是  
成人樣子雖終身誦之亦不厭十七始授室



治家有法家人少有過失卽不言不食待其  
自改然後少紓顏色夫人化之終以孝養舅  
姑聞鄉里稱歎以爲不語中成教己西槐翁  
易簣公以依歸無所慟甚成崇杜門養病殆  
十餘年間嘗一造公車以經說中鄉解而屈  
於禮闈仍泊然無意於世刀圭之暇編出先  
生庸學纂要爲原書二冊間以己見蒐輯原  
書之未備者爲續纂二卷於論孟又採摭疑  
義畧加條辨而病未克爬洗環堵蕭然風雨  
不蔽子弟或欲以爛簡餘紙塗于壁上公止



之曰聖賢遺篇雖破壞虧損不可褻棄且羣  
哲諱號在尤豈不敬念也已巳十二月某日  
以疾終于第止享四十四以翌年某月日葬  
虎崖山負庚原惟裴氏籍興海遠有代緒上  
祖諱玄慶佐麗祖開國以功封太師諡武  
烈我朝初有栢竹堂諱尚志以麗判司僕  
不二節後贈兵判享鏡光院七傳而至諱  
三近參奉與伯氏臨淵齋俱登陶山門生諱  
寅吉執徐亂倡義殉忠夫人李氏并命旌雙  
節問公六世祖也曾祖諱應傑祖諱行式



贈司僕正考諱遜

贈戶曹參議妣全州柳

氏光吳女繼妣安東權氏重夏女俱 贈淑

夫人公柳氏出也配安東權氏命岳女生二

男三女男顯麟顯鳳女李學韶金時健徐郁

烈顯麟男瓚周球周武周同樞出女孫邦謨

金遇翰顯鳳男達周女黃胤九瓚周男善禎

女金樂祜孫鼎謨黃泳夏球周男善壽善富

達周男善養善文出女李應淵善禎男永泰

永泰男東進東進男容煥此其世嫡也曾玄

以下不盡錄於乎公以天生聰穎之資受師



門切實之學早年成就已優入宿儒堂域而  
特爲槐翁大爐鑪所掩世無得以稱其實者  
然今以槐翁集中所載公問目攷之四德次  
序之辨理氣偏全之別卦畫上下之理洪範  
五行之說皆鑿鑿中窾非俗儒之所能覩破  
而公二十前造詣也倘槐翁遐壽使公日服  
習門牆駸駸入達材成德之境則豈不成裒  
然真儒嘉惠後學也今距公沒且百有餘年  
世日益下趣尚各異語及儒家事業無異坐  
後天而談先天夫孰知愛公之書而惜公之



不得卒享也哉乃者公嗣孫東進甫賈公彙  
并持其槐翁之孫善榮氏所撰遺事一通責  
余以幽堂之誌顧椎魯不文何敢焉辭之者  
屢而來請益勤乃敢據本狀而敘次爲銘銘  
曰

世遠經殘學術多誣詞章是騖口耳或沾懿  
哉維公早審向超聰穎之資篤實之符槐翁  
之門隣德不孤彝倫堂廡道義錙銖山梁一  
類孑然孤雛續纂有書厥功孰配窮鄉儒鐸  
可振頽季而不求年天意翳翳虎崖之原精



魄攸閉賸馥傳後棗鏝石瘞我最幽德以慰  
來裔

庚申立夏節宣城後人金埴拜手謹撰

識

日裴友東進訪我於晚松山亭袖示一冊曰  
此吾祖松廬公遺集也事力所拘藏在巾笥  
者今百有年所幸賴族大父善榮氏闡發修  
述之力方謀鏝布而弁文若狀碣幽堂之銘  
備借斯文諸公之手願公復惠一言顧余非  
其人且筆姿辭拙不能褒人潛德旣屢辭而



不獲則乃就攷原本公卽槐潭先生周親也  
先生嘗樞衣湖上倡道一方之時公以妙年  
英睿登門質業論仁天之一理而慨聖凡之  
相懸以小學爲成人基本而三年不輟童子  
而有知禮之稱家人而成不語之教義畫簣  
範之問四德理氣之辨俱悉於紀德之狀更  
不必贅焉竊有所慨者以槐翁之高才邃學  
三十而矢公又觀化於不惑之年天之於裴  
氏一時降才始若有意而竟不借其壽克其  
業者何哉公之平生不喜撰著有庸學續纂



要二卷蓋追述槐翁原書而多嘉惠後學之  
功所刊原稿一弓雖甚零星詩文句語冲澹  
無葷血氣味書尺問答皆發經旨之要其立  
志做工大抵是切近爲己之學也一齋可知  
全鼎之味奚多乎哉余有所感者我曾王考  
葛川先生與槐潭先生有同門道義之契當  
日相獎相與之言恍若隔晨夕而承警咳公  
卽湖門之再傳鉢也今於是役不能無情畧  
掇數語以識卷端

庚申秀萼節通政大夫前行中樞院議官



松廬集卷二詩 二十二  
金建永謹識

跋

吾儒之學貴經義而賤詞章經之爲義淵深  
且奧苟非體認而深得者難乎企及矣我族  
先松廬公以剛敏之資加篤實之工早登槐  
潭先生門得聞經旨之要庸學續纂一部可  
羽翼先生原書而多啓發之功且所著詩文  
若隻簡片牘雖甚零星皆原於四子之旨非  
尋常寒暄往覆而已則視諸叔季文勝之世  
流於華藻口耳之習者遠矣豈非古器之蠶



鼎迷途之指南乎噫公以如是才學壽不踰  
中身未克克養志業咳唾之藏弃巾衍者不  
過三之一二後孫東進君懼其寢遠無徵原  
稿一寫爲先圖其壽傳續纂則以待後人俾  
篤世襲之光甚盛矣顧余膚淺忝在族後裔  
之末旣艷服公之實學且感東進闡先之誠  
畧叙顛末如右

歲在上章涪灘之暮春節族玄孫淵發謹  
跋



松廬集卷之二



於乎我先祖松廬府君以通明之資切實之  
學事槐潭先生於堂廡之列窺其藩而踐其  
闕齊其歲而絜其領蓋見師友淵源之正而  
知其學問之粹矣不幸天不假年未克大究  
則尚不能無憾又復咳唾之逸而不收而零  
星也顧不湮晦之是懼哉其幸而僅存者開  
玄奧之秘發淵微之旨熟複有餘輝則非閒  
酬酢閒說話之歇后也是可以壽府君於百  
世耶念吾家世孱弱自先父兄周南執手之  
泣未始非爲日之久而今投遺在孤矣緜力



薄材尤不戛戛乎難哉嘗就族大父善榮氏  
謀付剗厠善榮氏卽槐爺曾孫盡心修述無  
異先藁其餘敦事諸公亦皆集中所載同祖  
後裔也并力殫誠以竣其功不肖孤陋安敢  
萬一於擔夯巨創也哉祇切追慕之痛而且  
感族誼之迫別畧叙始終如是云爾歲庚申  
五月日五代孫東進涕泣謹識



















**This book should be returned to  
the Library on or before the last date  
stamped below.**

**A fine of ten cents a day is incurred  
by retaining it beyond the specified  
time.**

**Please return promptly.**



FOR USE IN  
LIBRARY  
ONLY

RESTRICTED SHELF